



理詠堂集卷之四

目錄

七言律詩

委巷

連雨東武徵諸子

澄江旅懷

秋感四首

蕪城元夕

答劉元歎明府見贈

歲暮遣懷二首

白田道中

梅花落

重過也上人院

晚集方巢

鄧尉山看梅六首

獨酌對菊

留別雨山大師

不寐

姜貞毅先生輓詩

過浮公精舍

積雨待史燭九不至

除夕前五日集坦齋

酌余生墓

中和節集四本堂

春歸二首

黃子湖道中

登虞山望海亭



吳門感舊二首

日暮

冬日題吳門寓亭壁

桃源塢訪江允冰

乙丑春暮集烏聊山

新安客舍聞河決

從百步雲梯之後海

信宿祥符寺贈蓮公

仙橋峯瀑布

河西橋晚步

烏聊山月夜

遊黃山歸和書思韻

題卓烈婦傳畧後

寄答吳野人二首

郊園感舊

送高賜公遊大梁

飲旗亭聞故人左遷

送蒙谷往江干

初冬諸子晚集荒齋

江城歲暮三首

黃雨笠招飲

謁廣陵文丞相祠

懷華陰王山史

花下索酒不得

玉山晚望

送人之北平

讀史感事八首

曉晴

連夕

送汪悔齋太史還朝

書所見

張山來招集平山堂

晚坐竹下

瓊花觀看月

送德元舍弟之鍾離

洪衍堂讌集分韻

古墓

三月三日虹橋泛舟

聽闕里師義彈琴

送呂長載謁選

同蒙谷歙州論詩

秋禊莫江

寄蒲菴大師

同諸子尋曲江遺蹟

七十老翁何所求

信宿止堂四首

岷山堂梅花將放

送孔東塘之海上

城南楔飲

題姜勉中遊五嶽圖

深柳堂探韻

城西泛舟

題射陵先生蔬坪圖

集林蕙堂

和吳園次營居五首

周向山寓亭納涼

宋嵩南太史過訪

寄懷華亭令顧九恒

送吳巢薇侍御

春日雜興八首

史卜周園中看芍藥

閏月七夕同檀林作

朱其恭重修秋禊

送根潔上人還霍山

積雨

夢遊指月菴

苦熱同賓連作四首

江上

謁王心齋先生祠

淘上懷吳野人

久客東淘寄菊山

吳陵舟中

移居東子園亭

送吳雲逸還澄塘

癸酉試燈夕

登真州鼓樓

同冷松諸子泛江

歸來

同李涵萬登赭山

識舟亭同子儒作

贈蕪湖沈五鹽

惆悵

立秋日張印宣招集

籬外

李詞臣移樽觀菊

雨中觀菊

賦得菊殘

甲戌冬暮

小除和蒙谷

寄懷黃白山

真州僧院紫牡丹

送黃燕思歸黃海

送袁中江北遊有感

雪夜輯舊稿

公路浦秋夕

河決

得宗子發凶問

河上晚望

樊泚晚泊

袁浦客舍

丙子清江浦除夕

蚤春旅思

河署喜沈宗萊至

河署贈陳穎長

浪跡

將發浦上

宿遷道中

魚臺舟中

謁仲夫子廟有感

鳧山晚望

任城初夏

登任城太白酒樓

同唐山人濟署納涼

任城月夜

秋日登太白樓

任城卽目

宿泰安東牛鎮

泰岱紀遊八首

魯郡懷古二首

濟署旅懷

極目

客任城答書思見懷

董克綏歸自塞上

玉露菴呈徹大師

感秋二首

聞雁

冬夜同大正修古飲

贈孔翊宸上公

贈孔宏輿博士

嶧山懷古

和羅志行見贈原韻

聞議開下河海口

書來

郊園遇諸子聚飲

巳卯新秋

和周確齋豆腐詩

雨後登吳山三丰閣

靈隱寺

錢塘秋夕

寄懷陸縣圃

同梅公登廣陵城樓

清湖早發

竹崎

曉渡烏龍江

三山遇談子方

九日山

桃溪春日

大鵬山看上人院

憶梅

雙魚溪上作

病中酌曾公望見訊

答友

歲暮六上人房

人日

湖干遇家兄

宿南郭草堂

初秋雨夕

七月十五月下作

同諸子郊園晚坐

洵上閒居

雪中呈所知

春感

同念子閑三飲水閣

天寧寺歲暮

東洵遇江曙生話舊

江城

涼風

庚辰九日似菴招集

苦雨

和田梅岑歲暮

孟次酌我

蕪城東郊

傅太守經理海口

自海上歸

醉吟

贈卓子任選遺民詩

焦山懷子發

理詠堂集卷之四

廣陵喬寅東湖著

七言律詩

委巷

委巷西偏草逕斜柴門隱隱短籬遮老來始得三
間屋秋盡還留一院花灌木有聲棲宿鳥高天如
綺散明霞呼兒往訊南鄰叟出飲經旬不在家

獨酌對菊

閒凭烏几獨銜杯
荒徑秋殘菊始開
三兩素交仍
間闊一雙涼蝶
故徘徊
頻遭風雨能無恙
終老丘園信不才
差勝柴桑陶處士
免教籬外白衣來

連雨柬武徵諸子

與君期泛木蘭舟
伏雨闌風不肯休
挂壁酒衣生
碧蘚際天水氣隱
紅樓寢興輒欲迷
昏日涯涘應
難辨馬牛聞案弘
羊就烹未滂沱
先已遍揚州

留別雨山大師

頻訪精藍移永日
淹留不爲此江臯
孤雲忽漫辭
雙樹薄俗于今賤
二毛馬首炎風塵
海闊庭心明月石
幢高欲諳差別愁
岐路貽我摩尼在
緼袍

澄江旅懷

偶過竹閣解絺衣
忽忽秋來尚未歸
松菊已荒詩
境在江山無恙賞
心違寒蟹何苦啼
深夜斜月偏能入
半扉不信他鄉也
如此于今處處酒
人稀

不寐

對榻燈昏遠漏殘江城秋老夜漫漫芙蓉花外滄
波闊蟋蟀聲中白露寒爭道荆卿侮勾踐逃名拾
得避豐干風簾不捲重門掩高枕如何夢未安

秋感四首

黯黯浮雲蔽夕暉草生曲巷往來稀百年又見烽
烟起八口難隨雁鶩飛海甸歲豐無半畝江城秋
老少雙扉白蘋紅蓼林塘晚極目神傷何處歸
蕭然四壁覆茅檐爲戀幽棲復久淹雀啄卑枝窺

廢井風驚落葉響疎簾餘生多故忘寒暑百念相
侵雜米鹽猶有向時斑管在塵封硯匣幾曾拈
憂虞疾疢尋常有良夜佳辰大率無借問崎嶇行
里巷何如飄泊任江湖碧天雁叫秋雲薄白屋人
歸冷月孤裘馬翩翩滿京洛相逢曾否問潛夫
南窮瘴海北淮壩歸臥鄉園又十年短髮蕭疎無
遠夢空囊羞澁有殘篇藏山沉井終難隱論世知
人肯浪傳苦憶鍾期千載後寒燈細雨獨潛然

姜貞毅先生輓詩

先生旅寓吳門遺命葬宣城戍所

中原回首不堪論
閭闔蒙塵白晝昏
折檻朱雲投宛水
棄家梅福老吳門
一坏豈愛青山好
九死難忘聖主恩
猶有遺民棲草澤
夜深風雨哭忠魂

蕪城元夕懷同志諸子

江干舊業餘三畝
巷北貧居借一廛
歲歉幾曾謀熟醉
愁多那得縱高眠
重城列炬笙歌夜
四野哀鴻雨雪天
挑盡寒燈懷往事
盍簪分袂是何年

過浮公精舍

城北精廬隔軟塵
每尋方外倍情親
非關老眼輕流輩
曾對遺編見古人
綺閣朱樓無賴月
妖花邪草可憐春
此生得遂閒吟癖
慚愧高天私我貧

頽上劉子端行人劉元歎明府過訪卽席見

贈依韻奉答

有客遠從湖上歸
連鑣隋苑欵荆扉
愧無鮭菜留君醉
忽訝珠璣落紙飛
卓犖于今看棣萼
疎慵自

理言堂集 卷之四 四
合老荷衣莫因偶得吳江句聞所聞來見却非
積雨經旬待史燭九不至

出谷倉庚繞舍鳴水深泥濁廢將迎垣衣漸長侵
堦色木葉初繁添雨聲憶昨再三煩命駕嗟余半
百愧謀生如何遂爽臨岐約時倚南榮望晚晴

歲暮遣懷二首

江城歲暮多愁日兒病呻吟失寢興事急豈能尋
劇孟羈棲誰復問蘭陵驚鳥故繞庭前樹饑鼠頻

窺夜半燈亦有貧交堪共語方營升斗踏層冰
風吹霜氣入疎櫺顧影淒其倚畫屏壯不如人今
老大死將誰懟况飄零寒宵無寐偏難曙濁酒禁
愁苦易醒排悶長吟復長歎寒修曾許嫁娉婷

除夕前五日同艾山先生瑟如高陵集坦齋
相逢一笑盡開顏殘臘將除客未還竹屋寒燈連
夕聚江城此日幾人間貧知薄俗惟緘口老厭浮
名不買山聞說探梅偕二仲遠懷蚤已向吳關

白田道中懷孫樹百給諫
給諫昔作令此邑今沒且十年矣

蓬轉江鄉始願違
幾時依隱返荆扉
日沉古堞風吹馬
浪拍長堤雪濺衣
烟際遙看香閣在
春深猶憶鰕魚肥
傷心把酒聞鶯處
楊柳無多父老稀

同殷簡堂宗子發金羽
長曹掌霖殷彥來酌

余生生墓
先生蜀人家京師客死揚州葬惠照寺側

返棹滄江春欲闌
眼中耆舊復凋殘
柴桑處士應書晉
東海羈人未報韓
墓枕崑岡通蜀道
鶴歸華

表望長安一杯更酌
班荆地宿草荒荒
落日寒

梅花落
傷余鈍翁也

春來憔悴歎離羣
相對茅齋獨有君
何意高枝摧急雨
空扶短策立斜曛
還思舊夢宵深見
愁向荒城笛裏聞
歷盡歲寒歸冥漠
可憐紅紫日紛紛

中和節同吳園次先生集
朱西柯四本堂

牽拂相招到草堂
篝燈理詠引壺觴
入春漸覺添愁緒
卜夜應須到醉鄉
雪後林園花信近
人間滋

味菜根長此身縱與金錢會不羨留連錦瑟傍

重過也上人院

舊路蒼茫不可尋幾年契闊到於今天桃結子還
依井老竹生孫欲出林當日朋儕誰在眼一春風
雨最驚心堂東丈室看如故曾對寒燈聽梵音

春歸二首

江山寂寞草連空悵望誰爲一世雄遠夢滴殘蕉
葉雨老懷愁對棟花風營蠅俎上朝還夕行蟻堦

前西復東不向幽岩采神藥只宜霑醉倚梧桐
澤畔傷春還送春醉攜餘興向東鄰廣筵泛愛愁
歸路良夜新歡憶故人落落自應潛土室勞勞空
復染緇塵蓼虫莫漫矜茶葉食苦何如更集辛

同武徵雲卿彥昭惟式皆木晚集方巢

行看杲日又西斜歎息勞生未有涯城郭曾無容
膝地壺觴須就野人家夾窗幔卷通寒月小徑霜
繁綴晚花酒罷移燈坐高閣呼童更煮洞山茶

理言堂集 卷之四
黃子湖道中

道經先外舅李
昕菴先生墓側

野氣蒼茫樵徑昏還驅蹇衛指孤村風行幽壑疑
潮湧石倚荒岡似虎蹲歎歲田家難就宿窮秋江
容易銷魂朦朧斜月松楸冷老淚交垂念舊恩

鄧尉山看梅六首

戊午仲春宣城梅聖占山陰鄭雪菴丹陽
吳子遠萊陽姜勉中同過光福山中探梅
時雨雪連宵聖占雪菴勉中悵然先返余
與子遠留姜奉世齋中因遍歷諸勝

光福寺

春陰元不礙攀躋策杖衝寒踏雪泥忍對花時坐
孤館難忘舊約在前溪幽林苔滑人來少古寺雲
深路易迷惟有空香滿村塢隨風吹過石梁西

潭東

昨日雪晴今日暖潭東潭西梅始花映山照水七
十里繞屋遮籬三兩家谷口風來香不斷酒邊月
出影初斜美人消息渺何處欲寄瑤華江路賒

真如塢

今年二月已過半况復連宵風雨多豈意寒香猶
滿樹恰逢酒客一高歌因知岩谷春難老歷盡冰
霜氣不磨慚愧飄零頭欲白只憑蠟屐慰蹉跎

妙高峰 鄧尉絕頂

亂石欹傾鳥路迴高峰秀出白雲隈千林晴雪參
差見一夜東風爛熳開轉覺春愁生浩渺欲投烟
寺更徘徊知君共有登臨癖歲歲探梅策杖來

由茶山至石壁

萬壑千崖轉翠屏杖藜相引度雲汀晴開野寺花
爭吐曉別山家酒未醒倦客此時孤棹遠

聖占雪
菴勉中

先歸驚濤無際數峯青扁舟更欲乘流去便逐香風

到洞庭

馬家山

鄧尉西南連石壁春來處處見梅花精廬別業尋
將遍幽谷深林望轉賒到此忽驚雙眼闊凭高無
復亂峰遮同遊俱是忘機客靜對何妨坐日斜

登虞山望海亭

春空雨散海雲收
徙倚孤亭晚更留
鴻雁卽今皆北向
江河終古只東流
紅翻石磴林風起
綠漲烟村麥浪浮
翹首五狼相望處
片帆隱隱入揚州

吳門感舊二首

闔廬城外半塘橋
猶記春風倚畫橈
回首少年如昨日
移燈小閣似今宵
星離雨散雙桐老
海思雲愁一葦遙
同伴醉眠余亦寢
夜深無復聽吹簫

吳榜重過烟水湄
溪聲鳥語有餘悲
曾于酒所霑薌澤
每對花前感別離
纖月猶懸歌扇影
春風不拂夜臺枝
三生石畔如相遇
已是盈盈十五時

日暮

白日欲墮風淒淒
梧桐策策鳴窗西
愁人淹蹇獨長歎
酒伴零落誰相攜
耳熱頻聞厚土裂
眼穿只覺高天低
出門謀食遇凶歲
况乃江上多征鼙

冬日題吳門寓亭壁

朔風凜冽堅寒冰擁爐獨坐懷廣陵居鄰闐闐苦
剝啄身無羽翼愁飛騰羊仲求仲遠難卽猾伯瑣
伯何相仍年來多病謝人事策杖從君心不能

桃源塢訪江允冰期同遊黃山允冰留飲出

所繪黃山圖見示

將尋翠壁丹梯路先訪餐霞漱石人三徑鳥啼狂
客到半巖花發草堂春側聞吾子同斯癖昨往仙
源住幾旬肯許一筇相接引不愁雲海浩無津

披圖兼訂入山期浮白歡呼倒接離遂有晴嵐生
几席何來秋水濯鬚眉欵屏猶恨追隨晚寓目先
驚洞壑奇他日登峯凭眺處還疑開卷對君時

乙丑春暮江允冰攜樽招同汪山圖程非二

集烏聊山

惆悵新安花落時輕舸何日果歸期未逢酒伴愁
難遣纔到春山興屢移隔水亭臺沙路繞滿城烟
樹夕陽遲惟君最念羈棲客綠醕頻沽呼所思

新安客舍聞秦郵
易山大風雨河決海溢
清口游沙截上流
狂瀾日夜注秦郵
誰能痛哭陳封事
又見逃亡滿道周
雨勢翻盆迎水母
風威拔地助陽侯
吾廬幸遠蛟龍窟
卒歲難禁婦子愁
從百步雲梯之黃山後海

危磴孤懸倚杖看
直從霄漢墮林端
地沉雲海羣峯斷
壁走雷霆四月寒
松谷途遙應野宿
丹臺菴廢且風餐
誰知世外探奇處
也似人間行路難

信宿祥符寺贈蓮公

已束歸裝向澗阿
還思惠遠復相過
林藏藥谷炎暉少
地近龍潭暮雨多
頻倒清樽分蕨笋
更移短榻就烟蘿
重遊縱有高秋約
如此溪山奈別何

仙橋峯瀑布

颯颯飛泉挂翠屏
石梁高擁半天青
荆榛無路通雙屐
風雨連山走百靈
倚醉那能終日對
將歸猶得片時聽
羶生善貌奔騰狀
惜未來遊註水經

河西橋晚步憇石舟上人精舍

長虹偃臥練溪灣每惜佳辰獨往還翠壁紅樓雙
塔寺夕陽春樹半城山旋烹穉笋多真味偶掬清
泉有愧顏我已倦游歸未果將因休夏欵松關

烏聊山月夜呈沈長垣別駕

萬峯晴翠接睥睨盡日凭欄去每遲灘響乍高人
靜後林香初吐月明時勝遊有待翻多誤幽事相
關只自知君但能來秋正好不須醉向習家池

遊黃山歸和黃書思見贈韻

老去登峯興轉賒奚囊重拾古烟霞鴻濛鑿後留
奇特孤棹歸來有歎嗟夢裏猶聞天樂鳥春深最
憶木蓮花君家舊傍茲山住翻數家珍向爾誇

題卓烈婦傳略後

乙酉蕪城陷烈婦偕
其諸姑投池水死

豈有覆巢能獨免臨危引決最分明共完壺內生
前事不爲人間死後名萬里驚風天慘淡一池止
水月澄清試看當日求全者空倚毡墻哭失聲

理詩堂集 卷之四
寄答吳野人二首

清晨盥罷攤書坐忽忽春歸細雨中
穉竹漸抽新葉綠餘花猶戀故枝紅
無窮事業誰能了有限樽罍莫放空
昨上荒岡望南北斷碑殘碣草蒙戎
莫論得失借前籌豈獨隨珠忌暗投
戈法幾曾知秘監画師誰解避僧繇
烟籠樗櫟皆楨幹水落江河亦細流
多謝故人相問訊年來索處類饑鷗

郊園感舊

林泉幽處許重過倚棹溪邊歎逝波
紅藥欄干頑石在白楊丘隴故人多
蒼茫舊事從誰說宛轉新聲任爾歌
還恐他時憶今日百壺春酒費消磨

蔣前民席上遇京口周子維高賜公劉子莊

次日復同聚蒙谷齋中卽送賜公遊大梁
聞君前日渡中泠爲訪元卿騎暫停
忽漫相逢杯共把絕無小異眼偏青
江臯惜別飛朝雨花徑重來聚客星
此去淮陰向梁苑應過二十五長亭

理詩堂集 卷之四
飲旗亭聞故人左遷

萋萋烟草接郊扉
岸幘行吟送落暉
山鳥不來溪鳥散
梨花欲放杏花稀
當壚有酒堪謀醉
橫帶何人肯息機
曾寄一緘非浪語
百年無恙是漁磯

送蒙谷往江干獨坐成詩

歲暮征途塵滿目
黃梅花下獨支頤
身經百折老猶健
志欲孤行困不疑
除却詩囊無長物
纔拋酒盞卽愁時
故人又向江皋去
悵望柴門何所之

初冬前民雨田高陵皆木晚集荒齋

佳客頻過斗室中
蕭蕭寒月灑霜風
途窮似阮愁何補
酒熟留髡興不空
滿地落英前日好
深宵堅坐幾人同
半生潦倒還觴詠
一任江鄉笑此翁

江城歲暮三首

雪霰漫天歲欲除
篝燈無寐讀殘書
年侵始悔儒冠誤
事往空慚劍術疎
東逝江河曾不返
北歸鴻雁竟何如
開懷直待春風至
豈爲寒原擬荷鋤

蕭條江郭難爲客，僵臥荒亭易失羣。
舞雪翻風檐際入，寒鷄思曙夜深聞。
移家歲晏無安宅，負米途遙有凍雲。
自昔苦吟多不偶，欲拋編簡學從軍。
學書學劍總無成，白髮垂垂兩鬢生。
此日經綸惟去食，頻年水旱尚徵兵。
鄉園臘盡供愁歎，蓬蓽寒深少送迎。
莫訝比來疎嬾甚，羞將詞賦動江城。

寒食後一日黃雨笠招飲

美人病起馳牋至，邀我相過共擊鮮。
雙屐穿林沾宿雨，幾家鑽火動新烟。
駐顏不羨青精飯，快意何須赤仄錢。
但得時時開一甕，與君觴詠可忘年。

謁廣陵宋文丞相祠

廣陵城北有史相國葬衣冠塚

鐵馬南驅事已非，孤臣身陷百重圍。
長懷正氣垂惇史，敢荐微馨拜袞衣。
淮右豈無三戶在，洛東又見一鷺飛。
遙瞻故相招魂處，祠墓蒼涼共夕暉。

懷華陰王山史

司馬於今已倦遊，擁書高臥草堂幽。
春風渭北花

理詩堂集 卷之四
無賴夜雨淮南人獨愁千里相思過華嶽百年多
病負神州與君共抱澄清志終歲飄零不自謀
花下索酒不得

少年意緒日荒蕪白盡顛毛計轉迂尚有餘生勞
造物不知何處著狂夫營巢新燕喃喃語得食歸
鴉眇眇呼爲惜落花將覓醉空囊還剩一錢無

玉山晚望

驟雨初收暑未降凭高長望倚南窗海門列岫烟
中合葦岸漁燈水上雙尚有悲笳來遠嶼欲乘清
夜渡空江須臾月向禪宮吐一片秋光到石幢

送人之北平

十載飄零著處家因人又復向京華倘遊朱邸休
彈鋏縱隱青門莫種瓜塞雁哀鳴春欲暮燕山迢
遞日將斜酪漿滋味君知否未必堪奴陽羨茶

讀史感事八首

據梧假寐奈愁何生事荒唐兩鬢皤自分此身埋

草土敢期他日誓山河茅檐臘盡霜華重城樹風
高烏尾訛欲泛扁舟就烟水江南塞北不爭多
西極驚飈萬里來崑丘高會罷嚼杯帳移大漠寒
雲動鏑響荒原斷雁哀善幻浮屠乘傳去尋源星
使及關迴須知魏絳終難恃故李將軍安在哉
湖海貧來學授經寂寥身世任飄零多愁漸向燈
前老獨坐難支夜半醒不斷風聲吹落月無邊寒
色入空庭偶翻范史開懷抱最愛燕然班掾銘

井邑蕭條湧怒波天吳海若飽經過纔聞白馬通
洪澤又見金牛走濁河四序平分冬已久五行相
代水何多來年豫畫謀生策不種桑麻種芰荷
目極關河行路難可堪索米向長安公卿西邸青
錢選雨雪中原白日寒奇策屢聞催納粟高文更
欲諭封巒哀鴻滿野啼深夜只有監門不忍看
上谷雲中近若何嚴關雄鎮自嗟峨癸庚忽告司
農匱戊巳頻添校尉多空逐羶裘疲鐵馬誰憂荆

五言古集 卷之四
棘沒銅駝蕭條磧北風沙暗好聽陰山勅勒歌
檢點殘編歲已闌縱傳千載有誰看八哀不用悲
黃壤七序焉能愧素餐說項如今何寂寞知玄他
日亦艱難拋書欲臥還愁坐四壁霜風夕照寒
憶昔天涯事浪遊具區烟月武林舟吟殘紅葉空
留恨散盡黃金却買愁伏櫪每聞嘶代馬刈薪誰
復辨吳鈎于今始悔從前誤默坐茅菴似比丘

曉晴

高樹風定天欲明臥聞鳥語知曉晴庭前積素寒
未減案上亂帙光已盈探梅屢約北郊去衝泥難
策孤筇行起看穉子乘竹馬回憶少日如他生

連夕

欲尋林壑寄閒身負手江皋嬾向人燕子來時猶
有雪梅花落後已無春半生潦倒憎多壽盡室蕭
條戀舊貧連夕歌鐘驚短夢難將愁緒語比鄰

送汪悔齋太史奉使琉球還朝

萬里滄波隔浙閩迴舟猶及蜀岡春暫依鄉樹停
征騎便向巖扉訪故人陸賈仍垂南越橐張騫不
染月氏塵相逢一笑還分袂前席頻虛待使臣

書所見

椽花開後朔風多寒燠翻疑節序訛舉世只憑無
鬼論長謠誰和采芝歌銅山千疊分高下翠羽羣
飛入網羅歷歷鐘鳴天欲曙好傳消息到南柯

立秋日張山來招集平山堂

攜手橫岡倦眼開蒼蒼秋氣正西來樹籠平楚分
樵舍山渡晴江落酒杯懷舊他年餘麗藻追涼此
日破荒苔夕陽欲盡移雙槩十里荷香送客回

晚坐竹下

長虹明滅映斜曛竹外殘蟬斷續聞澤國尚愁連
夜雨楚天又見立垣雲難將倦足隨流輩獨掩閒
門對此君威鳳不來桐亦老昏鴉暮雀正紛紛
孔東塘招同許漱雪費此度吳園次王歙州

諸公瓊花觀看月

詞場寂寞幾經年上客停騾布廣筵魯國文章誰
伯仲襄陽耆舊與周旋花殘浩劫祠雲冷霜洗高
空海月圓堅坐都忘冬夜永金波委地酒如泉

送德元舍弟之鍾離

德元以中翰監修海口
值水漲停工暫遊淮右

一官羈紲海城東歲暮相逢尚轉蓬莫水何年歸
大壑鹵鄉兩載佐司空鳳池鸞掖浮雲外敝褐疲
騾細雨中此去且尋濠上叟莫將愁緒聽哀鴻

洪衍堂讌集分韻

素交何處共招尋薄暮衝寒此盍簪所謂伊人俱
在眼果然吾子有同心清歌妙舞華燈爛飛爵騰
觚夜漏沉我最疎慵今不爾醉凭烏几更長吟

古墓

嗟我岡勢鎖寒流岡下幽宮臥徹侯亂草屯風嘶
石馬長松委地宿沙鷗負薪豎子穿垣出向郭行
人看碣留一代豪華萬年業不應寂寞枕荒丘

三月三日同孔東塘使君虹橋泛舟

春來積雨黯江天晨起晴開好放船正憶采蘭臨

水上恰逢折簡到花前山陰勝事因人重隋苑遺

踪此地偏一自漁洋觴詠後謂阮亭先生風流還藉使

君傳

聽闕里師義彈琴

師兼善琵琶

制氏鏗鏘變古今千年雅樂久銷沉不圖此日逢

師摯似聽登歌向聖林白越單衣初及席朱絃三

歎有遺音漫勞抽撥翻新調恐觸潯陽送客心

送呂長載謁選

長載蜀人久客海陵

頻聞巴蜀促歸裝却望吳陵似故鄉客裏匏樽淹

歲月匣中龍劍隱光芒雲帆忽別江皋去鳧鳥遙

看天際翔莫以君才輕百里于今人望在循良

同蒙谷欽州坐星菴齋中論詩

不厭招尋把臂過綠陰庭院午風多會心豈必游

濠濮遣興無如托嘯歌誰掣鯨魚探碧海須從積

石湖黃河詞場此日爭雄長屈宋曹劉奈爾何
藝圃于今更辟疆遠祧李杜薄儲王沱潛縱引支
江派星漢終輪皓月光自是物情趨險怪可憐藻
思亦荒唐偶然得句還焚稿閒倚晴軒看夕陽
七月十四日秋禊黃江同聽翁其恭諸子
蘭渚千峯隔翠微黃江一曲弄清暉重修禊事秋
偏好幾醉春風葉又飛舟楫何年通上國烟波終
日繞漁磯與君快意惟觴詠俯仰人間達者稀

寄蒲菴大師

卓錫安禪傍舊京東南遺老蚤知名宗雷有約同
蓮社支許于今在化城梵放鬆間秋嶂靜詩成江
上碧雲生還聞龍象經行處十萬香華繞座迎

八月十八日孔東塘招同社諸子尋曲江遺
蹟余以病先歸

秋濤不到曲江濱壯觀空傳揚子津尚想奔騰歸
日母每逢蕭瑟感風人兩行官柳籠青雀一綫漕

渠冷白蘋僕病未能陪
嘯詠欲扶輕策更逡巡
七十老翁何所求
爲園次先生賦

七十老翁何所求
掃除餘習與天遊
徵歌南國傳紅豆
晦跡西堂任白頭
已識浮雲多變態
肯將暮齒付閒愁
關心只有平原約
預恐樽空爲客謀

信宿止堂贈濟上

松檜陰森蔭舊廬
遠依丘墓得幽居
春迴大地冰霜後
山墾先人雨露餘
小徑花繁聞語鳥
澄塘日

射見潛魚休嗟野外朋
儕少尚友千秋有賜書

四年不到此巖阿
叢桂扶疎竹影多
已對翠屏開戶牖
更添水閣帶烟蘿
檐前時有孤雲起
松下還攜一杖過
亦擬歸耕送餘日
結茅旁舍意如何

野性如今只愛閒
羨君竹屋接松關
舊游歷歷餘陳跡
遠夢時時到此間
萬點蒼烟秋草路
半林紅葉夕陽山
因尋老衲橋東去
信步行吟薄暮還
幽棲不似在山村
曲曲寒流碧繞門
臥聽松濤行

澗壑閒看嵐影變朝昏韜精暫息天南翼埋照頻
開月下樽况復秋來逢大有無邊秔稻若雲屯

岷山堂梅花將放賦得南枝纔放兩三花

爲訊梅花欵竹扉垂垂凍蕊較前肥禁寒欲吐春
猶淺向暖將開雪尚飛已有空香當檻落還看疎
影入簾微巡檐索笑從今始不比東風吹漸稀

曉鶯堂送孔東塘使君之海上

星軺計日海邊催歲暮孤帆向夕開百里烟霜君

獨往兩年風雨客頻來篝燈尚愛沉沉夜解纜還
傾緩緩杯轉眼春光滿江甸共攜輕策待探梅

己巳三月三日朱其恭招同諸子城南禊飲

每遇佳辰獨惘然江干車馬正喧闐白頭謬側羣
賢後翠嶂橫鋪一水前縱使袂除愁不盡還憑斟
酌醒猶顛驚心風景年年異萬井燈光曉燭天

是夕車駕將臨邗關城中張燈達旦

題姜勉中遊五嶽圖

婚嫁何年夙願酬音書間闊五經秋披圖果遂登
臨興策杖難追汗漫遊皂帽半生淪異地蒼烟九
點望齊州蕪城舊是行吟處他日歸來肯暫留
深柳堂探韻值梅衙瞻至

萬柳參差帶女墻綠陰深處有茅堂閒來共聽流
鶯語坐久微聞落絮香覓句正逢枚叔至揮觴誰
似次公狂林風漸起春衣薄欲別還留看夕陽

己巳閏三月晦日城西泛舟

纔見殘英飛暮雨已聞啼鴉響空林春逢閏月歸
何易老逐歡場醉不禁指顧舊遊移短棹掃除餘
習罷長吟年年烟柳城西路役盡騷人作賦心

題朱射陵先生蔬坪圖

跡遠金閨蹈海濱蔬畦繞舍四無鄰輿圖中外驚
心異物態榮枯過眼新登俎晚菘還遲客沾衣重
露總愁人荒荒歲序誰能紀抱甕依稀五十春

集林蕙堂送梁藥亭太史假歸南海孔東塘

博士還朝張南邨處士返白下

惆悵心期隔遠陬誰能縮地日同游盍簪纔慰三
秋思把袂翻增此夕愁薊北王程催夙駕嶺南鄉
夢引歸舟如何世外閒吟客也挂蒲帆不肯留

和吳園次先生營黃子湖新居五首

青青葭菼垂綸處隋苑西偏半日程投老丘園真
得計忘機魚鳥最多情芰荷從此添新製泉石誰
能負舊盟時隱烏皮遙送日滿湖春水澱紋生

薜荔爲牆槿作籬水亭蕭爽日遲遲揮毫閒寫歸
田賦對酒長吟招隱詩自有扁舟訪安道不須置
驛學當時廣陵風景湖干好縱語勞人那得知
憶君出守吳興郡茗雪滌澗似畫圖久別雙溪迷
道路歸來一棹入菰蒲扶筇但少何山麓挂席還
同碧浪湖料得詩成應索和花箋日日走長鬚
回首京華四十春飛騫潦倒百年身龍縑染翰分
前席虎帳弢弓拜後塵此日故交趨北阮當年酒

伴剩南鄰蕭然遠跡滄浪外閒看人間得意人
二垂殺氣行南服百尺明星射碧疏復恐餘生聞
戰鼓更於何處讀殘書水村地僻眠常穩麥隴春
深錦不如我亦欲營湖畔宅與君踪跡混樵漁

今夏周向山招諸子寓亭納涼卽席送周冰

持還雲間時余自吳門初歸

君羈江縣偏憐客我返吳門却送人觸熱豈宜催
解纜先秋何事苦思尊涼堂七尺吟風葉清酒三

升岸葛巾最是今宵明月滿茅齋烟艇共傷神

宋嵩南太史過訪卽相邀入都賦此奉答

蕭然環堵賦閒居頻枉高軒訪敝廬自是虛懷納
江海豈緣過聽及樵漁短童爭拂烏皮几窮巷驚
看長者車欲附青雲嗟道遠出門西向復躊躇

寄懷華亭令顧九恒

華亭與鎮原縣接壤吾友宗義六昔令此
邑沒於任所其子又曾久羈未歸

聞君縮綬華亭去西望秦川驛路長邊塞卽今風

五言詩集卷之四
三
凜烈關山從古月悲涼免教伏櫪淹騏驥不分卑
枝宿鳳凰我有故交滯鄰邑可能垂念借餘光

送吳巢薇侍御歸黃州

諫草流傳繫夢思南歸今始見風儀偶親鷗鷺停
烏榜可似夔龍集鳳池別浦花開留客處大江春
霽挂帆時到家翻恐徵書至未許同吟招隱詩

春日雜興八首

五原春色隱烽烟鐵騎長驅過酒泉坐甲偏師膏

野草秉鈞上相在經筵雲中不比湟中險力牧何
如李牧賢曾出雄關觀射獵邊墻傾圯已多年

旌門羽檄促嚴裝百萬金錢出尚方西市買鞍啼
小婦中厨修具刺肥羊哀笳三奏寒星落征馬羣
嘶磧路長他日防秋今憚暑前軍昨已戍甘涼
倦隱烏皮語燕歸紛紛密霰打雙扉關山兵合春
風冷里巷官多牧豎稀事秘有誰知近遠時來任
爾快輕肥偶然步出東門去爭笑蹉跎老布衣

理言室集 卷之四
三
袞袞昏埃漲里間荆榛滿野廢耕鋤縱令天地能
開闢似此丘原悶掃除下國饑兒心未死高居上
帝意何如閉門倦臥因成夢彷彿神遊邃古初
落盡林花春已深頻聞高會嬾相尋兩年貧病諳
交態萬事艱危負夙心招隱未逢山澤侶解愁惟
有短長吟兒童不信千秋後拋擲殘編羨積金
蹇衛聯翩北走燕遙瞻鎖院曙星懸江淮地近才
何少晁董名高策不傳醇謹真能承主眷間關深

愧贈腰纏側聞震澤掄文日正是東江得意年
三辰黯澹歷冬春我意高空亦苦辛長使九垓如
此日翻疑千載有傳人結廬怕近公超市吹面愁
沾庾亮塵每憶桃源最深處武陵遙隔楚江濱
無多歲月堂堂去不盡憂虞得得來茅屋還聞雙
燕語鄰家又見牡丹開難消磊塊須紅友忍遣繁
英委碧苔強欲送春春已遠獨扶短策上高臺
立夏後二日史卜周圍中看芍藥

理詩堂集 卷之四
花事關心入夢頻宵來風雨霽清晨衝泥已惜羣
芳盡扶杖驚看幾朵新自是尹邢矜絕代肯隨姚
魏殿殘春斜陽忽送娟娟影似倚朱欄戀酒人

閏月七夕同閔檀林作

雙星耿耿紫霄懸誰道秋期定隔年分袂纔歸璇
室後停梭又向鵲橋邊涼生遙夜應殊昔水淺明
河可似前何限人間久離別他鄉此夕倍凄然
重開綺閣望靈旂弭節來遊賴有期天上漸零新

桂露盤中還綴舊蛛絲何須更乞多端巧已判長
留徹底癡醉臥苔堦聞蟋蟀半規斜月下荒籬

辛未閏七月十四日朱其恭重修秋禊同前

民賓連武徵西柯

今年禊飲倍他年被濯三過野水邊細數歸奇杯
重把纔逢幾望月先圓酒人散後郊扉寂雲物秋
來霽景鮮誰續勝遊敦舊好佳辰微爾亦徒然

送根潔上人還霍山

纔聞江上烽烟息蚤挂蒲帆向霍山地接東吳西
楚界僧歸黃葉白雲間吟詩靜夜通禪理洗鉢寒
泉見古顏記取岩前藜茗發定隨敝履到柴關

積雨

寂寂柴門掩薜蘿連朝積雨少人過不求快意能
閒否已分長貧奈老何籬落蛙鳴秋草遍池塘水
滿暮烟多還將苦茗消殘睡折脚鐺邊一放歌

夢遊指月菴

芒鞋竹杖兩翛然夜宿芙蓉萬仞顛上界松杉明
曉日下方雷雨沛春田觀空始信身俱幻懷舊重
來客已仙悔別丹臺事婚嫁十年未了世緣牽

苦熱同閔賓連作

壬申

祝融司令赤霄晴赫赫炎暉灼四榮揮汗暫餐投
袂起追涼無樹繞池行晨開不耐鄰人聒夜久難
沾月露清翻訝蕭齋今炙手恐勞車馬到柴荆
執熱兼旬勢未闌披圖空對雪山寒焦烟釀暑銷

理言堂集 卷之四
江雨病葉先秋墮藥欄剝啄其如來襍穢寢興直
欲廢衣冠亦知水檻饒清曠酒伴相呼一到難
郊原龜拆起塵氛病暍行人遠近聞屈指司天占
歲氣關心離畢驗星文牀移北牖如温室庭擁奇
峯是火雲我有殷憂兼憚暑游饑恐及斗牛分
聞說秦城氣鬱蒸五年旱魃苦相仍未知毒熱今
何似如此炎歎已不勝粟轉江淮輕險阨金輪關
陝許飛騰廷臣奉使求民瘼朝發燕山夕飲冰

江上

江上秋分尚鬱蒸青鞵已辦興難乘空庭亦有閒
花草薄俗誰尋舊友朋醉後吟殘荒徑月愁來挑
盡讀書燈癡兒爭畫謀生策垂老無成百不能

東洵謁王心齋先生祠

土墻欹倚屋三間星瑣秋花滿目斑不見儒衣趨
講席時聞牛鐸度柴關海濱當日稱鄒魯我輩何
人識孔顏昨向荒原訪遺蹟牧兒遙指月塘灣

淘上懷吳野人

到此經旬歸思賒
嬾觀滄海問浮槎
市喧曉集魚鹽客
野曠秋多蘆荻花
土室尚存支敗壁
金風無賴捲寒沙
故人沒後生徒散
臥柳橋西噪亂鴉

久客東淘寄菊山

宿留仄聲史記宿留海上

海上驚風拔地吹
寒螿無語草離披
蹉跎已失燕山約
宿留非關羽客期
謀及吾儕多不果
交如公等亦生疑
茅檐露冷征衣薄
愁對殘燈寄此詩

吳陵舟中

西望吳陵到尚遙
帆前落日影蕭蕭
天垂四野連秋草
水抱孤村上板橋
稔歲道途豺虎息
多年塔廟鬼神朝
依然柳岸維舟處
幾夜霜風葉半凋

移居東子園亭

壯心未已髮先華
安得長繩繫日車
錯料半生真若夢
偶依孤館便爲家
高梧雀啄蕭蕭葉
叢菊霜催艷艷花
時遇鄰翁拚一醉
壚頭有酒尚能賒

送吳雲逸還澄塘

正好圍爐掩竹關
伴來聞說返家山
知非久別難
爲別豈是能閒却
不閒牛渚波清橫翠幕
天門雪霽出烟鬟
歸途處處堪吟眺
歲暮無由共爾攀

癸酉試燈夕

是日內閣至揚郡勘涸田邑令檄張燈如巳巳三月三日之盛

上元節近晴偏好
江郭春歸氣尚寒
獨坐荒庭孤月至
欲呼佳客一樽難
薄田水涸煩天老
小市燈昏惱縣官
還恐繁華傳道路
涼州不似廣陵看

登真州鼓樓

百尺高樓不厭過
旅愁端賴此消磨
滿城碧樹烟中出
隔岸青山雨後多
欄檻倚時遺暑濕
鷺鷥飛處有風波
遠懷吳市吹簫客
日暮空聞漁父歌

同冷松諸子泛江

日日歡呼興不孤
更邀酒伴狎鷗鳧
千峯隱見分晴雨
一水空明接楚吳
解纜忽驚殘暑盡
揚帆恰與好風俱
君看袞袞青雲客
痛飲狂歌得似無

歸來

積雨初收日影移
秋花秋草正離披
還家轉憶傷心處
垂老曾無快意時
曲巷荒涼如太古
故交零落少新知
童蒙課罷虛堂寂
閒看青虫對吐絲

同李涵萬登赭山

我欲探奇踏亂峯
江關閒殺一枝筇
今朝始豁登臨眼
昨夜疑聞此處鐘
好友他鄉情繾綣
長吟落日意從容
回看天際風濤壯
莫信篙師狎怒龍

識舟亭同子儒作

客裏逢君路不迷
識舟亭上手重攜
江流一曲依山轉
樹影千重夾岸齊
陳蹟蒼茫兵燹後
新愁浩蕩夕陽西
誰知范叔今垂白
歲暮因人覓舊緜

贈蕪湖沈五鹽

先生生前甲子是日值其七十初度

故里無家何用歸
行吟澤畔送斜暉
壯懷不逐浮雲散
遯跡安能此日肥
茅屋松筠荒徑冷
薊門冠蓋短書稀
義熙甲子憑誰紀
賴爾江干老布衣

惆悵

身世飄搖幾變更不勝惆悵倚前楹孤舟人去春
同遠獨樹庭空月自明往事關心終有恨閑愁如
夢未忘情遙瞻烏鵲城頭起繞堞爭枝故故驚

立秋日張印宣招集湖舫

爲憚炎蒸訂此期綠陰深處畫船移風生蘋末涼
初到酒撲荷香醉不辭揮塵休論當世事聽歌還
憶少年時催人節序如飛電獨有高梧一葉知

籬外

籬外荒臺接古丘憑高望處是神州窮愁歲月偏
逢閨蕭瑟門庭又及秋齒比茂先應得劍交如元
禮不同舟祗宜盡室乘桴去方丈蓬壺或可求

李詞臣移樽十琴堂觀菊賦得還來就菊花
春來曾見分藜菊節近重陽已著花冒雨不須尋
老圃揮杯爭得似君家難忘小閣香中立最愛疎
籬望處賒有客更期修具至莫教青女妬寒葩

重九前一日再集十琴堂雨中觀菊

重陽節近多風雨黃菊垂垂壓短籬肯負秋光虛
此夕免教寒夢繞荒陂燈前促坐閒人得酒後狂
吟達者知定卜佳辰始相賞晴暉雖好恐離披

賦得菊殘猶有傲霜枝

繁霜九月到江干木葉飄搖菊亦殘不信一枝依
舊好莫將雙眼等閒看亭亭直欲延秋序落落偏
能敵曉寒還似義熙彭澤令田園歸去酒杯寬

甲戌冬暮

舊曆無多暮景催空堦竚立望春迴哀鴻滿野非
凶歲密霰連天有瑞雷竹葉難將殘帙換梅花只
傍綺窗開衝寒怕向城東去年少紛紛車馬來

小除和蒙谷

終風連雨殘冬盡委巷空庭寒色深堅坐不辭婪
尾酒遣懷還誦白頭吟龍荒天地愁長夜波底田
園恨積陰除却衆緣貧亦得知君遙共此時心

寄懷黃白山

憶昔新安解纜時，雪深荒寺得君詩。
十年未報懷人作，千載空慚長者知。
邂逅江干驚晤對，旋歸潭上失追隨。
春來數夢攜筇至，悵望茅齋月影移。

真州僧院紫牡丹

魏家姊妹試新粧，何意相逢選佛場。
艷拂空庭僧梵靜，曉凝清露客衣香。
從來間色能傾國，偏占殘春蚤作王。
莫遣奔蜂漏消息，免教豪貴爲他忙。

送黃燕思歸黃海兼呈白山

河干相送獨徘徊，曾向黟山頂上來。
久別難忘雲海闊，此行正及木蓮開。
春深梅浦迎歸客，夢逐蒲帆過釣臺。
爲問君家隱君子，有誰相對共銜杯。

送袁中江咎抱雪省雪阮退思北遊有感

酒罷歸來獨惘然，柴門小立望遙天。
風霜千里客將去，砧杵一城人不眠。
亦有舟車通薊北，可堪跡滯江邊離。
懷觸忤愁如結，負郭曾無二頃田。

雪夜輯舊稿

朔風初定雪漫天茅屋寒深獨晏眠
檢點舊游千里外消磨殘臘一燈前
途窮里巷無長策穀賤江城有斷烟
回憶傷心歌自苦豈因易好故悽然

公路浦秋夕

風雨兼辰怒不平危堤一綫走河聲
沉沙已蝕甘羅宅亂草猶依韓信城
忍見魚龍棲隴畝愁聞婦子哭柴荆
腐儒空抱安瀾策旅舍蕭蕭對短檠

河決

上游十載無秋漲臥理司空頗晏如
遂信黃河真似帶寧憂赤子欲爲魚
浹旬猛雨頽沙岸一夕奔濤失里間
縱有長菱薪不屬隄防始悔向來疎

得宗子發凶問

三徙南徐仍旅食憂虞疾疢復交加
老懷未了人間事高臥真餐海上霞
庚子日斜聞有鵬甲申年後已無家
傷心耆舊摧殘盡淚灑寒原菊不花

河上晚望

濁流滾滾尚南奔，望極遙天水氣昏。
殘雪半林開夕照，愁人一箇立柴門。
傳來遠信何多誤，歸去荒江豈易論。
安得乘槎行萬里，直從積石遡崑崙。

樊汶晚泊

澤國冬深未穩流，排空高浪壓船頭。
難施網罟魚龍喜，不辨汀洲雁鴛愁。
移粟何曾及幽隱，刈薪猶自苦征求。
倚舷極目斜陽外，幾處頽垣水上浮。

袁浦客舍

往來南北已無成，歲晚冰霜復此行。
華髮可堪迷道路，黃河豈易見澄清。
燈殘夜半哀鴻過，金盡牀頭短劍鳴。
有約衝寒趨幕府，誰知旌節向彭城。

丙子清江浦除夕

忽忽今宵歲又闌，淮東風景半凋殘。
水村冰合饑烏集，茅屋人歸落日寒。
佳思翻從愁裏得，遠懷且向客中寬。
擁爐獨坐無他事，更上高樓倚檻看。

五言堂集 卷之四
蚤春旅思

丁丑

風捲流澌折舳艫入春七日得歸無崢嶸旅食催
衰髡濩落生涯在畏途河上經營中策少淮東凋
敝幾時蘇側聞大吏憂民瘼已繪流亡入鄭圖

河署喜沈宗萊至

去秋憶把臨岐袂雲樹經年悵別離挂席忽從江
上至懷人正對月明時百千旅恨兼春恨感歎君
知勝我知還恐分攜各南北傳杯燈下轉悽其

河署贈陳穎長

飛絮沾衣春欲闌日長無事勸加餐毛錐囊處終
須見齊瑟塵封久不彈據案疾書雙腕脫拓窓遙
望太虛寬聞君五畝饒泉石豈似衰翁去住難

浪跡

悔不韜精且著書年年浪跡竟何如高軒至止皆
乘鶴長鋏空彈豈爲魚豪竹哀絲誰聽汝落花飛
絮獨愁予南歸故有茅齋在蒿目流亡未定居

將發浦上

中宵風雨兩交加
滿院春泥委落花
傳舍久淹非得伴
故園歸去已無家
倚裝不俟東方曙
解纜還愁北道賒
倘遇林泉堪送老
人間何處是天涯

宿遷道中

茅舍蕭然古岸旁
年來凋敝似吾鄉
山城尚隱魚龍氣
澤國何時秔稻香
千里怒濤穿蟻穴
半天涼雨濕荷裳
驚看野老行歌去
恐念勞人有楚狂

魚臺舟中

薄醉悲歌憶酒徒
西風落日鷓鴣呼
草生廢井迷王迹
烟冷荒原失伯圖
沂水爭流輕舸澁
秦碑高倚遠峯孤
誰言遲暮終無補
老馬猶能識道途

謁仲夫子廟有感

棟宇翬飛奠水濱
穹碑古木肅心神
湖泉近接尼山派
蘋藻長留魯國春
何用讀書方作吏
轉傷負米已無親
耦耕父老應相笑
空學先生數問津

鳧山晚望

山有伏羲畫卦臺

澄湖漾日影參差晚泊輕橈繫遠思羽畎草深飛
夏翟野蠶糜老吐春絲九州貢賦俱浮汶百派奔
流盡滙邳賴有鳧山留往蹟烟嵐應似伏羲時

任城初夏

是日遊玉露菴暮歸署觀劇

乖老因人到濟州送春春遠倦登樓綠槐池畔聞
黃鳥紅藥欄前恨白頭佛火禪燈今夕夢舞衫歌
扇異時愁滔滔汶泗南流駛欲挂歸帆可自由

登任城太白酒樓

遠懷白也留遺蹟觸熱來登城上樓詞客休誇搖
五嶽酒人自足動千秋烟開平野羣峰出水夾長
堤夏木稠猶是當年風景在夜深應與季真遊

同唐山人濟署納涼

與君暫息此勞生赤日餘威夜始清攜手未能遊
海岱解衣差勝對公卿思沾桂露纔初伏倦倚藤
輪已二更快意定須風雨後共傾魯酒聽秋聲

任城月夜

任城無螢火

官舍更深寢未寧
輝輝涼月入中庭
短垣有隙多藏蝎
腐草無光不化螢
迢遞明河空在望
蒼茫岐路怕重經
移牀獨坐林陰下
亂葉吟風似可聽

秋日登太白樓

下卽南池

謫仙偶作東山客
異代猶傳飲者名
不信當時翻遠竄
頓教老淚欲同傾
望中秋氣涼侵席
夢裏荷香夜入城
乘輿重來逢酒伴
飽看森木聽蟬聲

任城卽目

渺渺平原歸路長
還披細草坐層岡
池邊森木留詩境
城上高樓是醉鄉
秋到山村梨棗熟
風來湖灤芰荷香
漕渠一綫通南北
日暮千帆似雁行

宿泰安東牛鎮

古槐高柳挂斜暉
投宿山家亦當歸
嵐氣蒸霞紅閃閃
麥芽穿土綠微微
饑餐不厭膠牙黍
渴飲愁添葢
瘦衣明日岱宗高
處望所經丘垤見應稀

理言堂集 卷之四
泰岱紀遊八首

齋心三日上嶙峋氣肅高秋岱色新
垂老纔瞻五嶽長半生空作浪遊人
肯牽婚嫁拋輕策不負躋攀得此晨
知爾山靈相待久先教夜雪壓飛塵

余以丁丑九月望日登岱前二日山中夜雪下方則晴暖無片雪也是日至頂猶見積素

御幃岩高松蔚然解衣盤礴掬流泉
仰窺危磴如弦直俯視行人若蟻旋
壘嶺已遮回馬處古壇猶隔此峰顛
擬攀秦樹今安在子又生孫不記年

路垂千仞入雲端纔到天門十八盤
夾壁松濤晴亦雨觸衣石氣午猶寒
虞書信有時巡典方士虛誇封禪壇
頗怪茂陵多病客還留遺草獻長安
遠色蒼然晚更奇凭高送日獨歸遲
崖松尚挂秦時月蘚壁難摹漢代碑
積素空亭光皎潔堆綿大地影迷離
夜深髣髴聞天語靈籟吹衣斗柄移
突兀晴峯接碧空天鷄初唱海門紅
一輪杲日蒼茫外九點寒烟指顧中
昏曉悠悠成浩劫往來且

且鑿鴻濛眈奇有客曾相約晞髮陽阿恨不同
告成聞說自黃農萬古坤靈仰岱宗玉檢金泥傳
往事青鞵布襪訪遺蹤石標嶽頂元無字苔積臺
基儼若封徙倚忽驚歸路晚迴看雲起白如龍
日觀峯頭小九州黃花洞口景偏幽棲雲高閣圍
蒼玉挂壁長松走翠虬杖撥荒榛吾獨往風驅落
照客難留他時襪被還來宿臥對林巒續勝遊
俶裝秋杪發任城馬首東來十日晴夜宿翠微孤

月滿曉探丹壑濕嵐輕索遊誰識孫明復高寄長
懷向子平從此便攜雙蠟屐更尋嵩華送餘生

魯郡懷古

縱目城南百尺樓高空日午野烟收沂沭泗通
三輔郊葛曹滕共一州逐鹿郊原青嶂在觀魚陂
澤白蘋秋追思往事傷懷抱豈爲飄零感倦遊
黃河南徙淮徐後荷澤灘沮亦屢移難按金隄求
故道遙從大野辨分支汙萊漸闢仍愁潦棗栗雖

理詩堂集 卷之四
繁豈療饑莫以春流近無恙遂忘修築信馮夷

濟署旅懷

書籤藥裹任塵封老向人間萬事情去日何曾無
苦樂此生豈必有遭逢半窗寒月明深夜千里歸
心逼暮冬茅屋尚存三徑僻微吟長嘯撫孤松

極目

極目川原寒色深凍雲黯黯結愁陰歲凶誰識高
天意道梗頻傷久客心村巷蕭條留破寺鬼燈明

滅出荒林憶從桑孔籌邊後安得人間有美金

客任城答黃書思見懷原韻

無端飄泊客他州碌碌依人豈壯遊高詠難追杜
陵叟孤斟嬾上謫仙樓兩年日斷江淮遠千里書
來雨雪愁蚤識華顛還寂寞腐儒悔不曲如鈎

董克綬歸自塞上

三十六臺通斥堠羽書絡繹若奔星金城屯後邊
烽靜南仲歸時塞柳青幾踏層冰趨帳殿頻聞飛

韞略王庭燈前細數經過處石上還留漢代銘

玉露菴散步呈徹大師

寺前驛路颺車塵北望遙分燕趙秦浩劫自多難
了事浮生俱是失歸人長河水滿知魚樂別院花
開非我春欲就支公問真諦禪燈未許照迷津

感秋二首

秋殘處處觸愁懷景物蕭疎葉滿階末路真如行
蜀道舊聞不復怪齊諧才方管樂終何補壽等彭

聃亦有涯安得御風先逸足旦遊鄒魯暮江淮
薄暮驚風捲亂雲淒淒冷雨夜深聞愁人不作淮
南夢斷雁猶呼塞北羣誰訪躬耕田騎尉似諳蠻
語郝叅軍朝來擬和秋懷韻口欲三鍼焉用文

聞雁

遙聞連雁天南去搔首東齋感歲華應爲稻梁衝
雨雪翻留指爪印泥沙關山夢斷江湖闊增繳愁
淡道路賒我有尺書煩汝寄幾時纔達野人家

冬夜同大正修古飲

已過四九未曾寒待月開樽尚倚欄共喜客途無
雨雪其如世路有艱難浮雲變態隨風散逝水分
流到海寬休論升沉忤懷抱還傾綠醕盡餘歡

贈孔翊宸上公

俎豆相承禮法存千秋共仰世家尊朝端几席頻
虛左宇內章縫盡及門雪夜扁舟羈接壤春風華
館喜同論曾窺六籍沾芳潤未若聞諸洛誦孫

贈孔宏輿博士

聲名耳熟遙相憶未接丰儀蚤識君夙仰高山嗟
白首得親哲胤附青雲講堂春暖苔莓潤古殿風
清金石聞又欲驅車別東魯暫時把袂惜離羣

嶧山懷古

仰窺嶧孔上巒岼圓石重重若累丸鄒魯綺分連
麥隴青徐繡峙辨烟巒碑殘野火書門廢寺倚孤
桐古月寒能使兩年留滯客夜深惆悵獨凭欄

和羅志行見贈原韻

落落任城浪跡人相逢華館倍情親每聞良會思
同調曾把清吟歎出塵酒熟共邀沂水月芹香初
薦魯宮春臨岐更有瓊瑤贈垂橐南歸也不貧

聞議開下河海口

詔書前月出楓宸俯念窮黎問水濱烟冷千村空
望歲波屯七邑久無春朝宗豈就紆迴路謀野宜
咨草澤人未導上流先海濫恐難計日起沉淪

書來

淮海書來促我歸一年前已意多違頻開笑口因
玉斗能解愁懷只李微時論共傾蒼水使春光敝
盡黑貂衣是何濡滯還留此羅雀門庭客到稀

偶過郊園遇諸子聚飲

林壑能消永日愁待君攜手上扁舟未逢諸葛間
何闊應爲平原淹此留返褐亭前霞散綺乳魚池
畔月如鉤追歡莫訊南歸計行橐還餘舊蒯緱

理詩堂集 卷之四
巳卯新秋

炎蒸九夏客中過又見涼風灑薜蘿
逆旅光陰拋擲易衰年骨肉別離多
歸時已愧陶彭澤到處翻同馬伏波
獨抱愁懷空脉脉向誰傾倒共悲歌

和周確齋豆腐詩

采菽磨礪待曉炊八公小試化神奇
纔看清液初凝處已似還丹九轉時
晨夕盤殮長不厭藜藿鹽風味本相宜
淮南方法流傳遍心賞惟應野老知

容易充庖供晚食貧家厨傳豈蕭然
縱貽鼎肉難同味只有園蔬許並肩
澹泊翻留三代後聲名未著六經前
人生口腹尋常足下箸寧須日萬錢

雨後登吳山三丰閣

風來木末客衣輕漠漠秋陰散晚晴
海氣高吞千嶂隱夕陽橫插半江明
望中吳越飛鳧雁亂後東南尚甲兵
何似烟霞方外侶獨攜瓢笠謝簪纓

靈隱寺

理詩堂集 卷之四
泉聲隱隱出香林翠壁當門白晝陰纔到上方添
野興不知何處覓禪心洞中石氣先秋冷巖際松
風向客深頗怪十年頻入夢芒鞋今日始相尋

錢塘秋夕

久無鄉信到錢塘日對湖山黯自傷烟渚鴻歸秋
欲暮柴門人去夜初長將尋別路偏逢雨未授寒
衣蚤降霜何處簫聲生柳外又飛清怨滿滄浪

寄懷陸縣圃

南湖北湖秋氣深風雨蕭瑟來高林空館孤燈寒
耿耿遠城殘漏聲沉沉此時對影坐遙夜終歲依
人違寸心好月溪邊屢圓缺不知何日相招尋

同秣陵梅公登廣陵城樓

城上高樓敞夕暉倚欄長望思依依無家空作淮
南客有淚同沾江左衣塵暗荒原千騎入水連寒
郭一鴻飛年年春草秋還碧血污游魂歸未歸

清湖早發

為入閩陸路之始

理詩堂集 卷之四
高林欲曙野禽呼過嶺行人已戒途曉月輕裝千
嶂冷秋燈昨夜一帆孤風塵荏苒還爲客湖海飄
零誤作儒從此捨舟家更遠越山重疊漸看無

竹崎

荔浦人喧沙徑昏暝烟漠漠見山村一天冷月江
船聚四野寒蟹風露繁秋到他鄉催倦客醉吟清
夜戀殘罇不知何日辭炎嶠愁聽歸潮向海門

曉渡烏龍江

鷄鳴理楫乘潮發出浦猶喧夜半風萬里雲帆懸
海日一江寒浪捲晴空嵐光明滅秋林外客思淒
清曉氣中未許浮槎上霄漢更隨倦馬向西東

三山遇談子方

悵望榕城日又晡亂山橫處是歸途天南氣暖無
鴻雁客裏春深有鷓鴣空倚林皋裊謝尚誰將書
札問潛夫逢君一笑難爲別潦倒壚頭酒百壺

九日山

山有高士峯以秦系隱居得名峯下
舊有古松百章系愛之結廬其側

溫陵崖谷多幽處不數城西九日山高士偶來依
樹下孤峯蚤已重人間捫蘿覓路同僧到策杖看
松帶月還老向天涯愧泉石空裏真隱一躋攀

桃溪春日寄金式如司李

荒寺蒼涼人不到一燈愁對客思家啼殘夜月桃
溪鳥開遍春風柚子花未有歸期辭瘴嶠可宜無
寐聽悲笳故園好友空相憶短髮蕭蕭近欲華

大鵬山巖上人院

禪扉寂歷擁巔岈萬井風烟杖底看懷抱不知何
故好乾坤但覺此中寬嵐生澗壑青林動瀑響階
除白日寒策馬他時定回首與師曾倚暮雲端

憶梅

手植梅花香滿鄰天涯相憶獨沾巾亭空埜水窺
寒雀門掩東風少故人遙夜江城驚玉笛當年草
閣負佳辰迢迢明月雷塘路歷亂鄉愁又一春

雙魚溪上作

步屣相過無至友獨來南郭坐溪光亂山啼鳥寺
門閉飛絮落花春日長旅况經年轉蕭瑟歸期三
月仍渺茫清明上巳等閒過朝夕烟嵐非我鄉

病中酌曾公望見訊

天涯萬事與心違臥病經旬尚未歸漫檢方書開
藥裏愁看僮僕理寒衣荒橋地僻生秋草古寺林
深少夕暉不是故人遙見憶有誰相訊到柴扉

答友

明河射角斗闌干枕簟風來覺夜寒抱病一秋頻
斷酒故人千里勸加餐稻梁滿日謀生拙烽火連
山行路難自是疎慵甘寂莫不緣高臥薄彈冠

歲暮六上人房

歲云暮矣朔風狂何事仍棲惠遠房欲返故園無
舊業每逢知己盡空囊荒庭老樹離離晚落日寒
原寂寂長愁向河干獨來往幾迴搔首送歸航

人日

開歲七日思酒人愁吟獨坐虛佳辰東風又變柳
條綠客舍三見梅花新伊昔歡娛向何處卽今飄
泊餘閒身且過鄰曲逐年少共醉一斛蘭陵春

湖干遇家兄卽送之淮陰兼寄同學諸子

兩年音問杳難求邂逅相逢更北遊別後何時重
載酒愁來唯有獨登樓芰荷香送扁舟雨絡緯啼
殘古寺秋長憶故人淮浦約至今踪跡滯秦郵

宿南郭草堂

茆屋松扉絕送迎暫來已覺夢魂清人間白日空
多事江上青山自有情蔬圃雨晴通舞蝶柳園春
曉亂啼鶯每懷嘉遯難孤往欲就荒村共耦耕

初秋雨夕

今夏鬱蒸三十日披襟無處覓微風只疑秋隔滄
江外不意涼生暮雨中小院孤燈吟蟋蟀高林一
葉下簾櫳持觴忽觸羈人思歎息年光過眼空

七月十五月下作

理言堂集 卷之四
歸向空庭踏月行倚欄相望客愁生一年又見七
迴滿今夜不知何處明北去軍書馳驛馬南飛鳥
鵲繞江城誰家橫笛渾無賴猶作邊秋入塞聲

同諸子郊園晚坐

爲愛斜陽坐釣磯荷香冉冉畫船稀城烟暮集池
邊樹汀月涼生竹外扉苦憶尊鱸頻入夢不因歌
吹久忘歸與君細酌看雄劍聞說南軍屢合圍

淘上閒居

海畔孤村偶結廬藥欄花徑也蕭疎買田豈必依
清潁有子從教類阿舒已識簪纓負丘壑何妨踪
跡老樵漁閒來策杖柴門外獨倚春風看荷鋤

雪中呈所知

寂寂荒庭擁褐看海天無際雪漫漫空懷舊約身
將老縱有歸期歲已闌獨樹橋邊樵徑絕亂山江
上北風寒年來不作羈棲客肯信人間行路難

春感

理詩堂集 卷之四
天涯飄泊又逢春華髮蕭蕭物態新不信金銀真有氣縱觀草澤亦無人紙繒芻馬調愚鬼封豕肥牛媚黠神誰割湖干三畝宅將攜穉子共垂綸

同舍弟念子閑三飲烏龍潭水閣

莫將興廢動新愁好向閒亭盡日留雨過空潭山翠冷風搖高樹鳥聲秋清尊欵欵還相對往事荒荒不可求與爾重來今十載人生能得幾同遊

天寧寺歲暮懷吳夢祥

陽山咫尺到家遲暫別翻成久別離欵段何年同故里蒯緱終歲對朝饑寂寥天地人歸後蕭瑟樓臺日暮時幾度思君期命駕書空燈下有誰知

東淘遇江曙生話舊

十年離夢隔東亭握手河干訪舊局平野西風沙草白遠村落日海烟青飄零身世餘孤憤憔悴江潭笑獨醒少壯無成俱老大可堪端坐更窮經

江城

江城風景近如何懸薄高門嬾再過
垂白交游張范少殺青詞翰宋元多
華燈萬點留長夜畫舸千重狎怒波
已分衰年任疎放荒庭閒對舊烟蘿

涼風

涼風昨夜卷秋烟望極波濤遠接天
驛使星馳滄海畔漕艘蟻聚濁河邊
平成可待期難信道路相傳事不然
頻築高防見經畫誰言拋擲水衡錢

庚辰九日似菴招集平山堂

不畏登山著屐難知君買棹繫河干
肯因風雨遲高會共選亭臺續舊歡
松徑詩成行處遠江天秋老望中寬
幾年客舍逢重九愁把茱萸獨倚欄
故園別後滯他鄉每憶登高聚此堂
挈伴重過頭共白移樽相對菊初黃
殘碑字挾龍蛇走古寺名留日月長
我醉歡呼還脫帽凭軒一任晚風狂

苦雨

雨無止日傷禾稼袞袞濃雲去復迴
屋噪饑鳥雙

翼蹋籬荒瘦菊幾花開窮愁久矣書難著憂患相
仍客不來薄暮高歌聞戶外鄰家翁媪莫驚猜
和田梅岑歲暮同客袁浦

風雪兼旬何凜冽綠樽相對一燈明亦知歲暮無
多日共歎蓬飄負此生竹榻亂堆閒卷帙梅花苦
憶舊柴荆南歸咫尺偏留滯短策難扶踏凍行

孟次酌我

春風吹綠遍江南倦客歸來月已三回首天涯俱
鳥道幾時湖畔結茅菴破愁新醞欣相對引睡陳
言厭久談目極烟波無限好與君攜取不嫌貪

蕪城東郊

來往城東路不賒郊原風暖颺晴沙還攜緇服黃
冠侶看遍春餘夏淺花鐵馬羣嘶過五郡羽書重
繭發三巴此州那得長無事莫厭沉酣臥酒家

傅育庵太守經理海口隄工同至海上

無邊駭浪走滄漠風撼沙隄水氣腥欲束河淮歸

理言堂集 卷之四
故道肯辭跋涉到荒汀
蘆中漁舍孤烟白
海上神山一髮青
今夕乘槎試東望
客星應傍使臣星

自海上歸

觸熱無端事遠行
往來暑雨灑三庚
落帆尚帶風塵色
隱几初聞絡緯聲
倦僕掃除移枕簟
穉孫嬉笑倚檐楹
此時暫息鷓鴣翼
已似排雲向玉京

醉吟

殘醉初醒復舉杯
衰翁懷抱幾曾開
窓留好月空

牀冷葉卷秋風早
雁來衛國惡人偏
有偶黃家醜女
豈無媒眼前萬事
俱難料休問兒生
才不才

贈卓子任選遺民詩

劫火燒殘圖籍空
藏山沉井慨何窮
誰搜放失傳遺老
獨表幽潛續變風
浩氣長留冰雪後
高吟多在草茅中
所思賴爾重相見
把卷依然笑語同

焦山懷子發

孝然少作揚州客
曾愛茲山下隱居
偶向雪中留

雁跡至今江上想
蝸廬雙峯人去孤雲冷九月風
高萬木疎我欲巖棲無舊侶
共尋幽勝獨躊躇



